

chusi. Preï-lo, lo demadin, par gli demandò se gròce ; lo devaissi, par l'in remarceï, et qu'o gli plâisïe de vo le conti-nui ! O, si voutr'oura vos ou fa siblò pindant la semana, consacroz-y dou moins celle diminge et celle fête qu'a s'est resarvò. Après avi piousamint assistò ous officios, si vos eïs de tian de resta, in plòci de codre lo guilleri et de pèdre voutron tian et voutron argent, et de neï voutra raïson ou quòro d'un broc ; le fenne a segre los cotairos et le vogue, et los omos los cabarets, impleï lo, çu tian, a quou-que lecture que vo developpaisant lo cueur et l'esprit ; o à de z-oure de charitò, quo vo meritaisant lo pardon de vou-tre faute. La charitò, mos frère, est ina preïri et la milli-liou incore de tote le preïre ; cella dou moins que lo bon Diu agreïe de milliou gròci.

« Mais, me diri-vo, la charitò est l'oura dous grouis ; o fa mettì d'être richo par pochi bailli. Par no que n'ons rin ou censé rin, faut-o donc se sòtre lo pan de la bochi par lo bailli ous autres ? Mos frère, ne dites pò iquin ; còr si pou qu'o-eie, o demore toujour quouque chousa par plus pouroque se. O si vo n'aïde totà net rin, o vo restara incore l'armouna dou cueur, plus précionsa, plus délicata à que la reçut. O y a tant de chouse que poïont se faire sin quòsi borsa deliò : villi los infiermos, soigni los malados, changi, netteï los villords, chavelò le poure fenne, pinò, debarboilli lous efants ; réconfortò de bonnes paroles los affligis ; laborò, sennò par cellos que ne poyont-z-ou faire ; intremò liou recòrte ; gliou avancì de grans ; allò ou molin par cellos que n'ant ni sandò, ni tian, ni applet ; gardò tandi arri de se et faire champeï lou bêtie ; le-z aburò, le condure à la fairi et vindre ou marchi lou campunajo. Vaiquia, mos frère, tot outant de chouses qu'o vos est lusiblo de faire, que ne vo coutont censé rin, et dont vo tiendra comptio ou cîntruplò celu que tient ré-gistro uert de tot, jusqu'à de la dardena que la pouva vuva bette din lo tronc dous pouros. Ne nos a-t-o pó aïto dit qu'a recompïnse ina gobelettò d'aïga baillia in son nom ?

Vo veï, mos frères, qu'o ne vos est pò malaïsi d'accom-